

CYNGOR SIR CEREDIGION COUNTY COUNCIL

Adroddiad i'r: Pwyllgor Moeseg a Safonau

Dyddiad y cyfarfod: 15 Tachwedd 2023

Teitl: Rheoliadau Pwyllgorau Safonau (Cymru) (Diwygio) 2023 OS 2023/988

Pwrpas yr adroddiad: Rhoi'r wybodaeth ddiweddaraf i'r Pwyllgor am ddiwygiadau i'r Cyd-bwyllgorau Corfforedig.

Cefndir

Mae Rheoliadau Pwyllgorau Safonau (Cymru) 2001 yn cynnwys gofynion o ran cyfansoddiad Pwyllgorau safonau a phenodi aelodau annibynnol/lleyg i Bwyllgorau Safonau:

[Rheoliadau Pwyllgorau Safonau \(Cymru\) 2001 \(legislation.gov.uk\)](https://legislation.gov.uk)

1)Cynrychiolwyr Cyd-bwyllgor Corfforedig Canolbarth Cymru

Mae'r canlynol yn gynrychiolwyr Ceredigion ar is-bwyllgor Safonau'r Cyd-bwyllgor Corfforedig fel y cytunwyd gan y Cyngor ar 26^{ain} Hydref 2023:

Y Cynghorydd Gwyn Wigley-Evans

Aelod Annibynnol: Carol Edwards

2)Rheoliadau Pwyllgorau Safonau (Cymru) (Diwygio) 2023

Mae Atodiad A yn cynnwys Rheoliadau Pwyllgorau Safonau (Cymru) (Diwygio) 2023 OS 2023/988 sy'n ymwneud yn benodol â Phwyllgor Safonau Cyd-bwyllgor Corfforedig Canolbarth Cymru.

Effaith Rheoliadau 2023 yw diwygio Rheoliadau Pwyllgorau Safonau (Cymru) 2001 er mwyn cynnwys Cyd-bwyllgorau Corfforedig yn Rheoliadau 2001.

Mae Rheoliadau 2001 yn cynnwys gofynion o ran penodi aelodau annibynnol/lleyg i Bwyllgorau Safonau. Mae hefyd yn cael yr effaith o wahardd penodi i Bwyllgor Safonau lle mae aelod wedi bod yn aelod o Gyd-bwyllgor Corfforedig o'r blaen.

Llesiant Cenedlaethau'r Dyfodol:

A oes Aseiad Effaith Integredig wedi'i gwblhau? Os nad oes, dywedwch pam.

Nac oes

Crynodeb o'r Aseiad Effaith Integredig:

Hirdymor: Amherthnasol

Cydweithio: Amherthnasol

Cynnwys: Amherthnasol

Atal: Amherthnasol

Integreiddio: Amherthnasol

Argymhelliad:

Nodi'r wybodaeth.

Enw Cyswllt: Lisa Evans

Swydd: Swyddog Craffu a Safonau

Dyddiad yr Adroddiad: 18/10/23

Cookies on Legislation.gov.uk

The cookies on legislation.gov.uk do two things: they remember any settings you've chosen so you don't have to choose them on every page, and they help us understand how people browse our website, so we can make improvements and fix problems. We need your consent to use some of these cookies.

Yes, these cookies are OK

Find out more or set individual cookie preferences

No, I want to reject all cookies

Cymraeg

Home Browse Legislation New Legislation Coronavirus Legislation Changes To Legislation

Search Legislation

Title: Year: Number: Type:

Search

Advanced Search (including Welsh legislation in Welsh language)

Rheoliadau Pwyllgorau Safonau (Cymru) (Diwygio) 2023

Wales Statutory Instruments 2023 No. 988 (Cy. 159) Whole Instrument

Table of Contents Content More Resources ?

Previous

Next

Plain View

Print Options

Statws This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

O F F E R Y N N A U S T A T U D O L C Y M R U

2023 Rhif 988 (Cy. 159)

LLYWODRAETH LEOL, CYMRU

Rheoliadau Pwyllgorau Safonau (Cymru) (Diwygio) 2023

Gwnaed

11 Medi 2023

Gosodwyd gerbron Senedd Cymru

13 Medi 2023

Yn dod i rym

9 Hydref 2023

Mae Gweinidogion Cymru(1) yn gwneud y Rheoliadau a ganlyn drwy arfer y pŵer a roddir iddynt gan adran 53(11) ac adran 105(2)(a) a (2)(b) a (3) o Ddeddf Llywodraeth Leol 2000(2).

Enwi a dod i rym

1. Enw'r Rheoliadau hyn yw Rheoliadau Pwyllgorau Safonau (Cymru) (Diwygio) 2023 a deuant i rym ar 9 Hydref 2023.

Diwygiadau i Reoliadau Pwyllgorau Safonau (Cymru) 2001

2. Mae Rheoliadau Pwyllgorau Safonau (Cymru) 2001(3) wedi eu diwygio fel a ganlyn.

3. Yn rheoliad 2—

- (a) yn y lle priodol mewnosoder "ystyr "cyd-bwyllgor corfforedig" ("corporate joint committee") yw cyd-bwyllgor corfforedig a sefydlir gan reoliadau a wneir o dan Ran 5 o Ddeddf Llywodraeth Leol ac Etholiadau (Cymru) 2021;"
- (b) yn y diffiniad o "aelod annibynnol"—
- (i) yn is-baragraff (b), ar ôl "swyddog" hepgorer "neu";
- (ii) yn is-baragraff (c), ar ôl "cymuned" mewnosoder ", neu";
- (iii) ar ôl is-baragraff (c) mewnosoder "(ch) pan fo awdurdod perthnasol yn gyd-bwyllgor corfforedig, yn berson sy'n aelod, yn aelod cyfetholedig nac yn swyddog o'r cyd-bwyllgor corfforedig hwnnw nac o'i awdurdodau cyfansoddol, gan gynnwys Awdurdod Parc Cenedlaethol cyfansoddol, nac yn briod nac yn bartner sifil i'r aelod, yr aelod cyfetholedig neu'r swyddog hwnnw;"
- (c) yn y diffiniad o "aelod panel lleyg"—
- (i) yn is-baragraff (a), ar ôl "cymuned," hepgorer "neu";
- (ii) yn is-baragraff (b), ar ôl "cymuned" hepgorer ";" a mewnosoder ", neu";
- (iii) ar ôl is-baragraff (b) mewnosoder—
- "(c) pan fo'r awdurdod perthnasol yn gyd-bwyllgor corfforedig,
- (i) sy'n aelod o awdurdod cyfansoddol nad yw'n aelod o weithrediaeth yr awdurdod hwnnw, neu
- (ii) sy'n aelod o Awdurdod Parc Cenedlaethol cyfansoddol nad yw'n aelod cymwys o'r cyd-bwyllgor corfforedig hwnnw;"
- (d) yn y diffiniad o "awdurdod perthnasol"—
- (i) yn is-baragraff (c) hepgorer "ac";
- (ii) yn is-baragraff (ch), ar ôl "achub" hepgorer ";" a mewnosoder ", a";
- (iii) ar ôl is-baragraff (ch) mewnosoder "(d) cyd-bwyllgor corfforedig;"

4. Yn rheoliad 4—

- (a) ar ôl paragraff (a) mewnosoder—

(aa) pan fo'r awdurdod perthnasol yn gyd-bwyllgor corfforedig, aelodau o awdurdodau cyfansoddol neu Awdurdod Parc Cenedlaethol cyfansoddol y cyd-bwyllgor corfforedig hwnnw ond nid aelodau cyfetholedig o'r cyd-bwyllgor corfforedig hwnnw heblaw'r rhai a gyfetholwyd ar gyfer aelodaeth o bwyllgor safonau'r cyd-bwyllgor corfforedig hwnnw.;

(b) ym mharagraff (c), ar ôl "cymunedol" mewnosoder "ac eithrio pan fo'r awdurdod perthnasol yn gyd-bwyllgor corfforedig".

5. Yn rheoliad 6—

(a) ym mharagraff (1), hepgorer "Rhaid" a mewnosoder "Yn ddarostyngedig i (1A), rhaid";

(b) ar ôl paragraff (1) mewnosoder—

"(1A) Pan fo'r awdurdod perthnasol y cyfeirir ato yn rheoliad 6(1) yn gyd-bwyllgor corfforedig, rhaid i berson sydd wedi bod yn aelod o gyd-bwyllgor corfforedig neu'n aelod o awdurdod cyfansoddol neu Awdurdod Parc Cenedlaethol cyfansoddol o'r cyd-bwyllgor corfforedig hwnnw, ond nad yw'n aelod mwyach, beidio â bod yn aelod annibynnol o bwyllgor safonau'r cyd-bwyllgor corfforedig hwnnw.;"

(c) ym mharagraff (2), ar ôl "nad yw'r person hwnnw wedi bod yn aelod ohono" mewnosoder ", ond, pan fo'r awdurdod perthnasol yn gyd-bwyllgor corfforedig, ni chaiff y person fod yn aelod annibynnol o bwyllgor safonau rhyw awdurdod cyfansoddol nac Awdurdod Parc Cenedlaethol cyfansoddol o'r cyd-bwyllgor corfforedig hwnnw".

6. Yn rheoliad 7—

(a) ym mharagraff (1)—

(i) hepgorer "Rhaid" a mewnosoder "Yn ddarostyngedig i (1A), rhaid";

(ii) yn y testun Cymraeg, ar ôl "nad yw'n" yn lle "aelod" rhodder "swyddog";

(b) ar ôl paragraff (1) mewnosoder—

"(1A) Pan fo'r awdurdod perthnasol y cyfeirir ato yn rheoliad 7(1) yn gyd-bwyllgor corfforedig, rhaid i berson sydd wedi bod yn swyddog o gyd-bwyllgor corfforedig neu'n swyddog o awdurdod cyfansoddol neu Awdurdod Parc Cenedlaethol cyfansoddol o'r cyd-bwyllgor corfforedig hwnnw, ond nad yw'n swyddog ohono mwyach, beidio â bod yn aelod annibynnol o bwyllgor safonau'r cyd-bwyllgor corfforedig hwnnw.;"

(c) ym mharagraff (2), yn lle ", ond nad yw'n aelod mwyach" rhodder "neu, os yw'r awdurdod perthnasol yn gyd-bwyllgor corfforedig, yn swyddog o'i awdurdodau cyfansoddol neu Awdurdod Parc Cenedlaethol cyfansoddol, ond nad yw'n swyddog mwyach".

7. Yn rheoliad 8, ar ôl paragraff (3) mewnosoder—

"(4) Pan fo awdurdod perthnasol yn gyd-bwyllgor corfforedig, rhaid i gadeirydd awdurdod o'r fath beidio â bod yn aelod o bwyllgor safonau'r cyd-bwyllgor corfforedig hwnnw."

8. Yn rheoliad 18—

(a) ym mharagraff (1)—

(i) ar ôl "aelod o'r awdurdod hwnnw" mewnosoder

", neu aelod o bwyllgor safonau cyd-bwyllgor corfforedig sy'n aelod o awdurdod cyfansoddol o'r cyd-bwyllgor corfforedig hwnnw.;"

(ii) ar ôl "ar gyfer yr awdurdod" mewnosoder "neu'r awdurdod cyfansoddol";

(b) ym mharagraff (2), ar ôl "awdurdod lleol o dan sylw" mewnosoder ", neu, yn achos cyd-bwyllgor corfforedig, o awdurdod cyfansoddol o'r cyd-bwyllgor corfforedig hwnnw.;"

9. Yn rheoliad 19, ar ôl paragraff (2) mewnosoder—

"(3) Pan fo awdurdod perthnasol yn gyd-bwyllgor corfforedig, rhaid i gyfnod swydd aelod o bwyllgor safonau'r awdurdod hwnnw sy'n aelod o Awdurdod Parc Cenedlaethol cyfansoddol yr awdurdod hwnnw beidio â bod yn hwy na'r cyfnod tan y bydd aelodaeth yr aelod hwnnw o'r Awdurdod Parc Cenedlaethol cyfansoddol yn dod i ben, a bydd aelodaeth aelod o'r fath o'r pwyllgor safonau hwnnw yn dod i ben os yw aelodaeth yr aelod hwnnw o'r Awdurdod Parc Cenedlaethol hwnnw yn dod i ben."

10. Yn rheoliad 21(1), ar ôl "aelod o'r awdurdod hwnnw.", mewnosoder "neu, pan fo'r awdurdod perthnasol yn gyd-bwyllgor corfforedig, sy'n aelod o awdurdod cyfansoddol neu Awdurdod Parc Cenedlaethol cyfansoddol o'r cyd-bwyllgor corfforedig hwnnw."

11. Yn rheoliad 23(1), yn lle "neu'r awdurdodau perthnasol o dan sylw" rhodder "na'r awdurdodau perthnasol o dan sylw neu, pan fo'r awdurdod perthnasol yn gyd-bwyllgor corfforedig, nad yw'n aelod o'i awdurdodau lleol cyfansoddol nac o'i Awdurdod Parc Cenedlaethol cyfansoddol".

12. Yn rheoliad 25—

(a) ym mharagraff (1), ar ôl "pwyllgor safonau" mewnosoder ", ac eithrio pwyllgor safonau cyd-bwyllgor corfforedig.;"

(b) ym mharagraff (2), ar ôl "pwyllgor safonau" mewnosoder ", ac eithrio pwyllgor safonau cyd-bwyllgor corfforedig.;"

(c) ar ôl paragraff (2) mewnosoder—

"(2A) Rhaid i bwyllgor safonau cyd-bwyllgor corfforedig gynnal o leiaf un cyfarfod yn ystod pob cyfnod o 12 mis ar ôl i'r pwyllgor safonau cyd-bwyllgor corfforedig hwnnw gael ei sefydlu."

13. Yn rheoliad 26, mewnosoder—

"(10) Nid yw'r rheoliad hwn yn gymwys i gyd-bwyllgorau corfforedig."

14. Yn rheoliad 27, mewnosoder—

"(5) Nid yw'r rheoliad hwn yn gymwys i gyd-bwyllgorau corfforedig."

15. Yn rheoliad 28, mewnosoder—

"(3) Nid yw'r rheoliad hwn yn gymwys i gyd-bwyllgorau corfforedig."

Rebecca Evans

Y Gweinidog Cyllid a Llywodraeth Leol, un o Weinidogion Cymru

11 Medi 2023

NODYN ESBONIADOL

(Nid yw'r nodyn hwn yn rhan o'r Rheoliadau)

Mae'r Rheoliadau hyn yn ychwanegu cyd-bwyllgorau corfforedig a sefydlir gan reoliadau a wneir o dan Ran 5 o Ddeddf Llywodraeth Leol ac Etholiadau (Cymru) 2021 at y diffiniad o "awdurdod perthnasol" yn Rheoliadau Pwyllgorau Safonau (Cymru) 2001 ("Rheoliadau 2001").

Mae'r Rheoliadau hyn hefyd yn diwygio Rheoliadau 2001 i ddarparu ar gyfer maint, cyfansoddiad, a thrafodion pwyllgorau safonau cyd-bwyllgorau corfforedig a chywirow gwallau yn y testun Cymraeg.

Ystyriwyd Cod Ymarfer Gweinidogion Cymru ar gynnal Aseidiadau Effaith Rheoleiddiol mewn perthynas â'r rheoliadau sy'n sefydlu cyd-bwyllgorau corfforedig a rheoliadau a gorchmynion cysylltiedig. O ganlyniad, lluniwyd asesiad effaith rheoleiddiol ar adeg gwneud y rheoliadau sefydlu hynny a dibynnir arno at ddioben y Rheoliadau hyn. Gellir cael copi oddi wrth: Yr Is-adran Cyllid Strategol Llywodraeth Leol, Llywodraeth Cymru, Parc Cathays, Caerdydd, CF10 3NQ.

(1) Mae swyddogaethau Cynulliad Cenedlaethol Cymru bellach wedi eu breinio yng Ngweinidogion Cymru yn rhinwedd adran 162 o Ddeddf Llywodraeth Cymru 2006 (p. 32) a pharagraff 30 o Atodlen 11 iddi.

(2)

2000 p. 22. Fe'i diwygiwyd gan [O.S. 2022/372 \(Cy. 92\)](#); mewnosododd rheoliad 3 gyd-bwyllgorau corfforedig yn y diffiniad o "relevant authority" yn adran 49 o Ddeddf 2000 a diwygiodd adran 53 o'r Ddeddf honno. Mae adran 49 wedi ei chynnwys yn Rhan 3 o Ddeddf 2000 ac mae'n ymwneud ag ymddygiad aelodau a chyflogeion llywodraeth leol.

(3) [O.S. 2001/2283 \(Cy. 172\)](#); yr offerynnau diwygio perthnasol yw [O.S. 2005/2929 \(Cy. 214\)](#), [O.S. 2005/3302 \(Cy. 256\)](#), [O.S. 2006/362 \(Cy. 48\)](#), [O.S. 2006/1849 \(Cy. 192\)](#), [O.S. 2007/95 1 \(Cy. 82\)](#), [O.S. 2013/3005 \(Cy. 297\)](#), [O.S. 2014/3061](#), [O.S. 2016/85 \(Cy. 39\)](#), [O.S. 2021/356 \(Cy. 107\)](#), [O.S. 2022/533 \(Cy. 125\)](#).

[Previous](#) | [Next](#)

[Help](#) [About Us](#) [Site Map](#) [Accessibility](#) [Contact Us](#) [Privacy Notice](#) [Cookies](#)

[Back to top](#)

OGI All content is available under the [Open Government Licence v3.0](#) except where [otherwise stated](#). This site additionally contains content derived from EUR-Lex, reused under the terms of the [Commission Decision 2011/833/EU](#) on the reuse of documents from the EU institutions. For more information see the [EUR-Lex public statement on re-use](#). © Crown and database right